



Broj: 03/1-50-14-7-29- 5/16

Sarajevo, 06.10.2016.

**PREDMET:** Informacija o učešću predsjedavajućeg ZK za odbranu i sigurnost BiH u radu Trinaestog zasjedanja Strateškog komiteta za naoružanje, municiju i minsko-eksplozivna sredstva, Sarajevo, 29.9.2016.

Predsjedavajući Zajedničke komisije za odbranu i sigurnost BiH Sifet Podžić je 29.9.2016. godine učestvovao na Trinaestom zasjedanju Strateškog komiteta za naoružanje, municiju i minsko-eksplozivna (MiMES) sredstva koji je održan u Sarajevu.

Uz uvodno obraćanje ministrice odbrane BiH Marine Pendeš-predsjedavajuće Strateškog komiteta, učesnicima Trinaestog zasjedanja obratili su se general-major Senad Mašović, predsjedavajući Koordinacionog komiteta za program „Explode“, Sezin Sinanoglu, UN rezidentni koordinator i UNDP rezidentni predstavnik u BiH, general major Friedrich Schrotter, komandant EUFOR-a, predstavnici Misije OSCE u BiH te predstavnici zemalja donator.

Predstavnici Misije OSCE su upoznali učesnike sastanka sa tokom realizacije projekta “SECUP”, koji je uspješno realiziran te je dao dobre rezultate u uređenju infrastructure u skladištima koja su deklarirana kao perspektivna.

Tokom zasjedanja je istaknut značaj procesa uništavanja i rješavanja viškova naoružanja, MiMES, posebno sa aspekta sigurnosnih rizika koje isti predstavljaju za BiH, ali i širi region. Međunarodna zajednica je pružila značajnu pomoć u realizaciji programa “Explode” i “Explode Plus” te je ocijenjeno da je projekat veoma uspješno realiziran.

Adekvatni koraci i procedure još uvijek nisu u potpunosti zaživjeli u praksi što bi u cjelini olakšalo sam proces delaboracije i uništavanja viškova . I dalje ostaje problem prodaje sekundarnih sirovina dobivenih procesom delaboracije, izrade studije o mogućnosti prodaje viškova naoružanja i municije. Razgovarano je i o potrebi daljnje demilitarizacije naoružanja, Mi MES gdje se pored angažovanja preduzeća namjenske industrije u BiH potrebno razmotriti i mogućnosti angažovanja dostupnih kapaciteta na regionalnom nivou.

Predstavnik UNDP je upoznao prisutne sa rezultatima projekta „Explode“ i “Explode Plus”, koji je finansiran od strane EU te je izvjesno da će UNDP zajedno sa Ministarstvom odbrane BiH učiniti dodatne napore u saradnji sa zemljama donatorima da se podrži ovaj značajan projekat.

Vidan je napredak u realizaciji projekta delaboracije u kapacitetima Oružanih snaga BiH TROM Doboj te se do kraja 2016. godine očekuje dostizanje planiranih rezultata. Stopostotna inspekcija stanja u skladištima naoružanja MiMES je u toku sa stavom Ministarstva odbrane i Zajedničkog štaba OS BiH da se okonča do kraja maja 2017. godine.

Trinaesta sjednica Strateškog komiteta je rezultirala prijedlogom zaključaka koji će biti dostavljeni članovima Strateškog komiteta i svim onim subjektima koji prate ovaj process.

Predsjedavajući Zajedničke komisije

**Sifet Podžić**

**Dostavljeno:**

- naslovu
- a/a